



Inatsisartunut ilaasortaq Kuno Fencker, Siumut  
inatsisartut@ina.alla.gl

**Angallannermut pigisanillu nalilinnut suliassa qarfiup tiguneqarnissaanut nassuiaasiorneq pillugu § 37 naapertorlugu apeqquteqaammut 2021-132-mut akissut**

11-07-2024  
Suliaq nr.: 2024 - 12776  
ID nr. 93040042

Asasara Kuno Fencker

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

Inatsisartut suleriaasianni § 37 naapertorlugu angallannermut pigisanullu nalilinnut inatsisit tiguneqarnissaat pillugu Naalakkersuisunut apeqquteqaate qarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Pigisanut nalilinnut inatsisit tiguneqarnissaannut nassuiaammut tunngatillugu akissuteqarnissamut Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik ilassuteqartinneqarpoq.

**Apeqqut 1: Aalajangiiffigisassatut siunnersuummut, UKA2022/60, tunngatillugu naalagaaffimmu attaveqarsimanermet killiffimmik Naalakkersuisut paasissutissiinnaappat?**

Akissut: Ineqarnermut Attaveqaasersuutinullu Naalakkersuisutut siulima Angallannermut Ministeri 5. januaari 2023-mi allaffigaa, angallannermut suliassa qarfiup tiguneqarnissaanut tunngavissat tamaasa pillugit nalunaarusioqqullugu qinnuigalugu. Nassuiaatip 2024-mi qaammatit pingasukkaat pingajuanni naammassineqarnissaa naatsorsuutigineqartoq Angallannermut Ministere qarfiup 1. juuli 2024-mi ilisimatitsissutigaa.

Pigisanut nalilinnut inatsisinut tunngatillugu Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik imaattumik ilisimatitsissuteqarpoq:

*"Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik 2023-mi upernaakkut pigisanut nalilinnut inatsisinik tigusinissamut tunngavissat pillugit nassuiaammut ilassuteqartoqarnissaa pillugu Inatsisinik Atortitsinermet Ministere qarfirmut saaffiginnissuteqarpoq. Inatsisinik Atortitsinermet Ministere qarfiup nassuiaammut ilassutissani inaarutaasoq 17. Juuni 2024-mi nassiuppaa."*

**Apeqqut 2: Aalajangiisoqarnerata kingunerisaanik suliarnerit suut ingerlanneqarsimappat, kiisalu maannamut killiffik sunaava?**

Akissut: Angallannermi suliassaqarfimmut tunngatillugu siulima angallannermik suliassaqarfiup tiguneqarnissaanut tunngavissat pillugit nassuiaasiortoqarnissaanut uku ilaatinneqarnissaat qinnutigaa:

- Angallannermi suliassaqarfimmi suliassaqarfiit suliassallu
- Suliassaqarfiup tiguneqarnissaanut inatsisitigut, allaffissornikkut oqartussaaffeqarnermullu piumasaqaatit sukumiisumik allaaserineqarneri
- Suliassaqarfimmi suliassat Danmarkimi suliatus qaffasissuseqarnissaannik, aammalu kalaallit atugaannut naleqqussarneqarnissaannik iluarsiinissamut suliassat takussutissiorneri
- Pissutsit allat, tunniussinissarpiaamut tunngatillugu Namminersorlutik Oqartussanit eqqumaffigineqartussat takussutissiorneri.

Nassuiaasiornermut atatillugu Naalakkersuisoqarfimmiit Assartuussinermut Ministereqarfik ingerlaavartumik oqaloqatigineqarpoq. Oqaloqatiginninneq pingaartumik paasissutissat suut, angallannermi suliassaqarfimmik tigusineri kingunerisassanik nalliiinissamut paasissutissiiviusumik tunngavissaqarnissamut pisariaqartinneqartut pillugit oqallinnermut tunngasimavoq. Naalakkersuisoqarfimmiit missingiut, taamaallaat suliassanik, maanna Angallannermut Aqutsisoqarfimmit ingerlanneqartunik aallaaveqartoq tiguneqarpoq. Naalakkersuisoqarfik akissuteqarpoq, tassani tigusinissamut tunngavissat piviusorsiorlumik takutinneqanngitsut. Taamaattumik nassuiaatip iluarsaanneqarnissaa Naalakkersuisoqarfimmit qinnutigineqarpoq.

Tamatuma saniatigut apeqqut taanna Assartuussinermut Ministerip ataatsimeeqatigisarnerini saqqummiuppara.

Pigisanut nalilinnut inatsisinut tunngatillugu Inuussutissarsiornermut, Niuernerumut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik imatut ilisimatitsissuteqarpoq:

*"Nassuiaasiortoqarnissaata Inatsisartuni aalajangiunneqarnerata kingunitsiannuaq Inuussutissarsiornermut, Niuernerumut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup (taamani Nunanut Allanut, Inuussutissarsiornermut Niuernerimullu Naalakkersuisoqarfiusup) pigisanut nalilinnut inatsisit pillugit nassuiaasiornissamut suliassat aallartippai. Eqqartuussissuserisoqarfik Kirk Larsen & Ascanius Greenland nassuiaasiortussatut aammalu inatsisilerinikkut suleqatissatut sulilersinneqarpoq. 2023-mi septembarimi nassuiaammut missingiut siulleq piareerpoq, taannali danskit oqartussaasuisa ilassutaanik ilaqanngilaq. Inatsisinik Atortitsinerumut Ministereqarfik ilassuteqaqqullugu ingerlaavartumik nukingisaarneqaqattaarpoq. Taanna 17. Juuni 2024-mi tiguneqarpoq, qaammatinilu tulliuttuni nassuiaammut ilanngunneqarluni suliarineqartussanngorluni. Nassuiaatip agguustip qaammataani Naalakkersuisunut akuerisassanngorlugu nassiunneqarsinnaalernissaa naatsorsuutigineqarpoq, tamatumalu kingorna uninngatinneqarani Inatsisartunut nassiunneqassalluni."*

**Apeqqut 3: Angallannermut pigisanillu nalilinnut tunngatillugu inatsisiliornerup tinguneqarnissaannut piumasaqaataasut tamakkiisumik**

## **nalunaarusiorneqarnerisa naammassineqarnissaat qaqugumut naatsorsuutigineqarpa?**

Akissut: Angallannermi suliassaqarfimmut tunngatillugu Assartuussinermut Ministereqarfik nassuiaasiussaaq, tassannaanniillu ilisimatitsissutigineqarpoq, nassuiaatip 2024-mi qaammatit pingasukkaat pingajuanni piareernissaa naatsorsuutigineqartoq.

Pigisanut nalilinnut inatsisinut tunngatillugu Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik imaattumik ilisimatitsissuteqarpoq:

*"Pigisanut nalilinnut inatsisinik tigusinissamut tunngavissat pillugit nassuiaatip 2024-mi aggustimi piareernissaat naatsorsuutigineqarpoq."*

## **Apeqqu 4: Suliami uani aporfiusimasut kinguaattoorutaasimasullu suut, ilaatigut, maluginiarneqarsimasut taaneqarsinnaappat?**

Akissut: Angallannermi suliassaqarfimmik tigusinissaq pillugu nassuiaammut tunngatillugu nassuiaatip eqqortumik killilerneqarnissaa ajornartorsiutaavoq, tassani Angallannermut Ministereqarfiup suliassat, maanna Assartuussinermut Ministereqarfiup ataani suiarineqartut aallaavigisimammagit. Taamaalilluni suliassat naalagaaffimmi oqartussaasunit allanit suliarineqartussat, kiisalu suliassat maannarpiaq ingerlanneqanngitsut pillugit paasissutissat amigaatigineqarput.

Pigisanut nalilinnut inatsisinut tunngatillugu Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik imaattumik ilisimatitsissuteqarpoq:

*"Pigisanut nalilinnut inatsisit pillugit nassuiaasiornermi kinguaattoorfiit annerit Inatsisinik Atortitsinermut ilassutissaata, ukioq ataaseq sinnerlugu suliarineqarsimasup tunniunneqarnerata kingusinneranut attuumassuteqarput. Nassuiaat Inatsisinik Atortitsinermut Ministereqarfik ilassuteqartinnikkaluarlugu naammassineqarsinnaasimagaluarpoq, kisiannili tassani pigisanut nalilinnut inatsit pillugu paasissutissat pingaarnert amigaataasussaapput. Tassunga ilanngullugit pigisanut nalilinnut inatsimmik, ingerlatsinermut aningaasartuutunik, ullumikkut suliassaqarfimmut attuumassutilinnik aammalu Kalaallit Nunaannut tunngasunik tigusinermut aningaasartuutitut missingiutit taaneqartut, kiisalu oqartussaasunut pisortallu sullissiviinut, pigisanut nalilinnut inatsisinik suliassaqarfik tunngavigalugu suliaqartunut takussutissiaq taaneqarsinnaapput. Tassalu nassuiaammi suliassaqarfimmi suliassat qitiusut arlallit amigaataasussaapput, taamaattumillu Inatsisinik*

*Atortitsinermut Ministereqarfiup ilassuteqarnissaata utaqqineqarnissaa  
naleqqunnerpaassasoq naliliisoqarpoq.”*

Neriuppunga qulaani allaqqasuni apeqquaqatitit akineqartut.

Inussiarnersumik inuulluaqqusillunga



Hans Peter Poulsen